

समा. 09.20 Hrs

एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै कुणाल श्रीवत्स :-

1. भारत नै मुल्खै दी पैहली-पैहली आतंकवाद रोधी नीति “प्रहार” जारी कीती ऐ। आतंकवाद दी दना बर्दाश्त नैई करने आहले नजरिए पर आधारित इस नीति च कुसै बी रुप च आतंकी खतरे कन्नै निबड़ने दी बवस्था रखी गेदी ऐ।
2. आई.जी.पी. जम्मू भीम सिंह टूटी होरें किश्तवाड़ दे छात्रू दा दौरा कीता- आतंकवाद रोधी कारवाई च एस.ओ.जी. दी शानदार कारकरदगी दी सराहना कीती।
3. जम्मू-कश्मीर दे सरहदी जिले राजौरी नै लोकें दी सभ्भनं शा मती शमूलियत कन्नै “माई भारत बजट क्वेस्ट-2026 क्विज” च पैहली थाहर हासल कीती ऐ।
4. पैहली बारी रणजी ट्रॉफी दे फाइनल च पुज्जी दी जम्मू-कश्मीर दी टीम खताबी मकाबले लेई अज्ज कर्नाटक खलाफ मैदान च उतरा’रदी ऐ।
5. ते गुलमर्ग च जारी “खेलो इंडिया स्यालू खेड्डें” च खडारियें दा शानदार प्रदर्शन। जम्मू-कश्मीर दे वकार अहमद लोन नै जितेया कैह दा तगमा।

ते हून खबरें दी तफसील कन्नै जगमोहन शर्मा:-



PRAHAR Counter Terrorism Policy

भारत सरकार नै प्रहार नां कन्नै मुख्यै दी पैहली आतंकवाद रोधी नीति जारी कीती ऐ जेहड़ी आतंकवाद गी दना बर्दाश्त नैई करने दे भारत दे नजरिए पर आधारित ऐ। केन्द्री गृह मंत्रालय आसेया जारी इस नीति च मुख तौरा पर ध्यान खूफिया जानकारी राएं आतंकवाद दी रोकथाम, आतंकी ढांचे गी नष्ट करना, आतंकवाद लेई थेहार, रपेया-पैहा ते सुरक्षित आसरमें उपलब्ध कराने आहलें पर रोक लाना शामिल ऐ। प्रहार नीति तैहत आतंकवाद रोधी कम्में च औने आहलियें रुकावटें ते चुनौतियें गी खतम करना बी शामिल ऐ। इस पालसी च बन्ने पारा आतंकवाद, साइबर हमलें ते अपराधिक ट्रैकरें करी पैदा होई सकने आहले खतरें दा बी जिक्र ऐ। गृह मंत्रालय दा आखना ऐ जे बदलदे दौर दे कन्नो-कन्नी आतंकवाद फैलाने ते अपराध करने दे तौर-तरीकें बी बदला करदे न, इस करियै इस नीति गी इस चाल्ली कन्नै तयार कीता गया ऐ कि आतंकवाद दे कुसै बी चाल्ली दे खतरे कन्नै निबड़ेया ते इसी खत्म कीता जाई सकै।



IGP Visit

जम्मू-कश्मीर पुलसै दे जम्मू जोन दे IGP भीम सेन टूटी डोडा-किश्तवाड़-रामबन रेंज दे DIG श्रीधर पाटिल ते किश्तवाड़ दे SSP नरेश सिंह होरें कल किश्तवाड़ जिले दे छातरु इलाके दा दौरा कीता- मजूदा सुरक्षा हालात दी समीक्षा कीती ते विशेष कारवाई समूह दे SOG दे कर्मियें कन्नै गल्लबात कीती, जिनें उत्थे चलाए गेदे आतंकवाद रोधी बड़्डे अभियान गी तोड़ चाड़ेया ऐ। जियां जे पैहले बी खबर दिती जाई चुकी दी ऐ कि इस अभियान च सुरक्षाबलें त्रै खतरनाक

आतंकवादियें दा सफाया करी दिता ऐ। IGP होरें इस मौके पर SOG दी बहादुरी ते पेशेवराना सलाहित दी सराहना कीती, जेहदे कारण उंनै एह बड्डी कामयाबी हासल कीती ऐ। जम्मू-कश्मीर पुलस, भारतीय फौज ते CRPF दे इस सांझे अभियान दौरान त्रै खतरनाक आतंकवादियें गी मारी मकाया ऐ, जिंदे च पाकिस्तान प्रायोजित जेश-ए-मोहम्मद आतंकी संगठन दा कमांडर सैफुल्ला बी शामिल हा। इस मौके मीडिया कन्नै गल्लबात करदे होई IGP होरें आखेया.

<><><><><><>

Rajouri Budget Quest

जम्मू-कश्मीर दे सरहदी जिले राजौरी नै 3 फरवरी कोला लेइयै 22 फरवरी 2026 तगर “माई भारत पोर्टल पर आयोजित बजट क्वेस्ट-2026 प्रश्नोतरी” च भारी गिनतरी च शमूलियत कन्नै मुख्यै च पैहली थाहर हासल कीती ऐ। आकाशवाणी दे जम्मू संवाददाता नै जानकारी दिती ऐ जे राष्ट्रव्यापी इस ऑनलाईन प्रतियोगिता च राजौरी जिले थमां 14 जहार 402 नौजवानें हिस्सा लैता, जिसलै जे नमीं दिल्ली जिला दुए नम्बरै पर रेहा, जित्थुआ इस प्रतियोगिता च हिस्सा लैने आहलें नौजवानें दी गिनतरी 11 जहार 97 दर्ज कीती गई। इससै चाल्ली कुल 8 जहार 307 नौजवानें दी शमूलियत कन्नै पूर्वी दिल्ली जिला 3एं नम्बरै पर रेहा। माई भारत बजट क्वेस्ट-2026 प्रश्नोतरी दा मकसद आम लोकें च केन्द्री बजट दे बारे च जागरुकता ते एहदी समझ पैदा करना ऐ। इस पैहले गेड़ च पास होने आहले प्रतिभागी हून अगले गेड़ च जागंन, जेहड़ा जे इक एस्सै यानि निबंध लेखन आहला राउंड होग ते उन्दे चा बी अगगे ताले जाने आहलें गी प्रधानमंत्री नरेन्द्र मोदी हुंदे कन्नै मिलने ते गल्लबात करने दा मौका थहोग।

<><><><><><>

FSSAI

औंदी ध्यारें दी रुतै कोला पैहले- भारतीय खाद्य सुरक्षा ते मानक प्राधिकरण FSSAI नै सब्भनै राज्यें ते केन्द्र शासत प्रदेशें दे फूड कमीशनरें गी आखेआ ऐ जे ओ बजारें च मती सतर्कता बरतन ते रुट्टी पकाने आहलें ते दुध्धै नै त्यार उत्पादें जियां घेयो, पनीर, खोआ वगैरा दे म्यार पर नेइमी ते चेचे तौरा पर तक्क रक्खन। FSSAI नै राज्य खुराक आयुक्तें दे नां लिखी दी इक चिट्ठी च आखेया ऐ जे होली ते ईद उत्सव दे सिलसिले च दुध्ध, पनीर, घेयो वगैरा दी मंग बधी जंदी ऐ, जेहदे चलदे मौका परस्त मलावट-खोर इस मौके पर फैयदा ठोआंदे होई तेल ते खाने-पीने दे समेयान च मलावट करियै मता मनाफा खट्टने दे चक्करें च रौहन्दे न। इस करिय इस चाल्ली दे लोकें खलाफ सख्त कारवाई कीती जा।



Food Safety Ramban

रामबन च खाद्य सुरक्षा विभाग नै रमजान दे पवित्र महीने दौरान खाने-पीने आली चीजें दी गुणवत्ता- स्वच्छता ते उपलब्धता गी यकीनी बनाने लेई खाद्य सुरक्षा उपाएं च तेजी लेई आंदी ऐ। इनें दिनें खाद्य सुरक्षा- पुलस- राजस्व ते लीगल मैट्रोलोजी मैहकमे दी इक सांझा टीम नै बजारें च खाने-पीने आली चीजें दा निरिक्षण कीता। निरिक्षण दौरान खाने-पीने आली चीजें खास करियै चिकन मटन- दुध्ध आले उत्पाद- फल सब्जियां ते मिठाइयें दी गुणवत्ता उप्पर मुख्ध्यान दिता गया। अधिकारियें दुकानदारें गी खाने-पीने आली चीजें च मिलावट करने पर जुर्माना ते कनूनी कारवाई कीते जाने दी गल्ल आक्खी ऐ। इस बारे रामबन दे खाद्य सुरक्षा अफसर बलबीर सिंह होरें आखेया .

ते हुन बाकि दिएं खबरें कन्नै कुणाल श्रीवत्स :-

<><><><><><>

Ranji Trophy

पैहली बारी रणजी ट्रॉफी दी फाईनल खेड्ने जा रदी जम्मू-कश्मीर दी क्रिकेट टीम दा मुकाबला इस प्रतियोगिता गी अट्ठ बारी अपने नां करी चुकी दी कर्नाटक दी टीम कन्नै अज्ज कर्नाटक दे हुबली च शुरु होग। अपने पुराने दिग्गज खडारियें के.एल राहुल, करुण नायर, श्रेयस गोपाल ते मयंक अग्रवाल थमां प्रेरित कर्नाटक दी टीम अपनी अनुभवी बल्लेबाजी ते इस सत्र च अपने रोमांचक सफर पर निर्भर करोग। फाईनल च पैहली बारी पुज्जने आहली जम्मू-कश्मीर दी टीम गी इन्नै बड्डे मौके पर तजुर्बे दी कमी ते होई सकदी ऐ, पर हुन तगर दस्से गेदे अपने हौसले, दृढ़ निश्चय ते जोश-जज्बे दे कन्नो-कन्नी तगड़ी फार्म च चला रदे तेज गेंदबाज आकिब नबी ते किश होर भरोसेमंद खडारियें दे योगदान कन्नै एह टीम इतिहास रचने दे कोल खड़ोती दी ऐ। उनें-उने जम्मू-कश्मीर नै टॉस जितियै पता लग्गेऐ जे बैटिंग करने दा फैसला कीता ऐ।

<><><><><><>

KIWG Ist Day Results

कल गुलमर्ग च शुरु होए दे 6में खेलो इंडिया स्यालू खेड्डें दे दुए गेड़ च खडारियें ते लोकें च बड़ा मता उत्साह दिक्खने गी लब्बै करदा ऐ। पैहले ध्याड़े कल मर्दे दे स्नोबोर्ड स्लैलम च जम्मू-कश्मीर दे वकार अहमद लोन नै कैह दा, फौज थमां कुलविंदर शर्मा ते विवेक राणा नै बिलतरतीब चांदी ते सुन्ने दा तगमा जितेया। महिलायें दी 15 किलोमीटर नार्डिक स्कींग च

सी.आर.पी.एफ दी काजल कुमारी ते रेणु दानू नै बिलतरतीब सुन्ने ते चांदा दा तगमा ते कर्नाटक थमां भवानी टी.एन. नै कैह दा तगमा हासल कीता ऐ। इस्सै चाल्ली हिमाचल प्रदेश दी सिंदिया ठाकुर ते आंचल ठाकुर नै महिलायें दे एल्पाइन जायंट स्लैलम पर अपना दबदबा रखेया- जिसलै कि मर्दे च फौज दे एथलीटें एहदे च बाजी मारी। नार्डिक स्कींग च सुन्ने दा तगमा जितने आहली काजल कुमारी नै अपनी खुशी प्रगट करदे होई आखेआ.

मर्दे ते नार्डिक स्प्रिंट च शानदार प्रदर्शन करने आहले शुभम परिहार दा आखना हा.

<><><><><><>